

鄉鎮志專輯

中國地方志集成

鄉鎮志專輯 ②③

中國地方志集成

鄉鎮志專輯 ②③

出版 上海書店

(上海福州路四〇一號)

印刷 上海市印刷七廠

發行 新華書店

上海發行所

責任編輯

盧建幸
王海浩

封面設計 范一辛

1992年7月第一版 1992年7月第1次印刷
ISBN 7-80569-647-0/K·85

沪新登字119号

定鄉小識卷一

錢塘張道少南

山水記 月輪山路

江上為月輪山頂有天井有噴月泉持正泉
山澗底有金魚池山北為毛湫峪山下為龍
山渡折而南古有秦望山山東南舊有羅刹
石又東為靈泉為沙井又徐村有馬鞍山南
峯為大灣山西為小康塢東為雲棲塢塢口
為雞冠隴隴南為百丈塢又南為鷄籠山為
唐家塢又南為高麗山又西南為排山又古
有石壁山沿江為徐村嶺為礪馬嶺雷嶺牛
馬頭嶺直至范村為九龍頭又九溪出江為
徐村浦

定鄉小識卷一

月輪山 咸淳臨安志在龍山西南瀕江以其形圓
如月故名西湖游覽志其上為月輪峯湖山便覽
龍山支阜也在大慈山南二里康熙錢塘縣志在
龍山南瀕江形如月頂廓為月輪峯旁倚六和塔
月輪山中隆旁橋彷彿半月岸江危石壁立若
島古藤老樹陰鬱蔽日游人炎夏登陟涼風扇
秋可以消暑山東為龍山鄉以溪為界定北之

轄實首是山

釋契靈

月輪峯

東南好峯如月盈開窗相見若為情松聲設設晚
煙澹澗小瑋瑋秋月明
許承祖 字繩武號復齋自稱雪莊居士海甯人乾
隆庚午副貢有西湖漁唱

月輪山

鏡圓山勢月輪同影落清江一色空信宿西巖瞻
魄度置身如在廣寒宮

天井 萬厓杭州府志月輪山之上有天井二大旱

定鄉小識卷一

二

水不竭湖山便覽月輪山有天然井

噴月泉 持正泉 西湖游覽志並在六和塔開化

寺康熙錢塘縣志塔院有噴月泉持正泉

金魚池 咸淳臨安志在開化寺後山澗底有金銀

魚康熙錢塘縣志塔院有金魚池

池亦稱金鯽池東坡游風水洞詩金鯽池邊不

見君指此

蔣之奇 字穎叔宜興人
宋知杭州軍州事

金魚池

全體若金銀深藏如自珍應知嗅餌者固自是常

麟

毛湫峪 西湖游覽志在六和塔之北康熙錢塘縣

志月輪山北為毛湫峪

龍山渡 成化杭州府志在六和塔下對蕭山縣滙

浦康熙錢塘縣志月輪山下為龍山渡湖山便覽

月輪山江面為龍山渡

渡久廢今聚浙江驛前然月輪山徑對蕭山之

冠山非漁浦也又成化志六和塔下又有漁山

渡云與西興相望不遠攷漁山渡宋時在朱橋

今在王安寺前辨詳漁山渡下此特削諸

定鄉小識卷一

三

秦望山 咸淳臨安志兩朝國史志錢塘有秦望山

舊志云在錢塘縣舊治之南一十二里一百步高

一百六十丈周回一百步晏元獻公輿地志秦始

皇東游登此山欲度會稽後唐同光中錢氏於秦

望山建上清宮有巨石二十餘株自然成行名曰

金洞門夢梁錄諸山巖低處謂之秦望山湖壩雜

記秦望山一名秦亭山秦始皇登山眺望見江濤

洶涌不敢渡江處也上祀真武顯赫非常西湖志

纂秦望山在錢塘縣南十二里湖山便覽秦望山

吳越備史云唐咸通中望氣者言錢塘有王氣命

侍御史許渾等賁壁瘞此山以厭之後唐同光中

錢氏於山頂建上清宮今人但知會稽有秦望山

錢塘秦望莫有能指示者矣月輪以南至於定山

岡巒連屬多無名號著稱秦望山應即在是間也

合舊志治南十二里說地正相當

秦望山今無定處可攷據南北史漢陽太守徐

熙子孫三世結廬是山徐村命名實由徐氏則

山當在徐村矣明夏時湖山勝槩記云南高峯

其麓四出一過慈雲嶺登雲臺出包家鳳皇秦

望三山多有吳越南宋故迹今建風雲雷雨山

定鄉小識卷一

四

川壇并報國勝果天龍龍華諸寺遠焉則是山

與包家鳳皇相連當即御校場其西宋有冲天

觀似即上清宮與舊治南十二里合又錢武肅

王排衙石詩刻有建瑤壇禮玉京顯真靈嶺上

清語與秦望山建上清宮事相合且排衙石兩

行排立與晏公所稱巨石成行者同狀其地高

曠極江山奇偉之觀秦皇駐輦或在此處然攷

咸淳臨安志記錢王新築羅城云自秦望山東

互江干城門十南曰龍山今在六和塔西則秦

望山亦宜近六和塔之西也愚案塔西近徐村

有大王山與五雲山東西對峙高峻雄傑意由秦皇得名或秦望省筆訛為大王今縣志稱大灣則又音之轉也又咸淳志既云山高一百六十丈而周回僅一百步與形勢不類一百步上當有脫字又陸氏誤以秦望為秦亭不知棲霞嶺後近西溪處自別有秦亭山相傳亦祖龍駐蹕處不得合為一也惟所云上祀真武似與吳越建上清宮事類又月輪至定山相去二十里今縣治至定山約三十里舊治益遠翟氏以此處岡巒無名號者當之云合舊志治南十二里

定鄉小識卷一

五

之說夫定山而下龍門鳳髻諸山名號甚繁難於更僕彼自不知耳況遠近曹然且無論舊志所稱舊治在錢塘門道里不合即今治亦不合也

薛

據字河東人天寶六年風雅古調科及第仕至尚書水部郎中贈給事中

登秦望山

南登秦望山極目大海空朝陽半蕩漾晃朗天水紅溪壑爭噴薄江湖遞交通而多漁商客不悟歲月窮振簫迎早潮弭棹候長風予本萍泛者乘流任西東茫茫天際帆淒泊何時同將尋會稽迹從

此訪任公全唐詩極目作目極遞作遞長一作遠馬湘字自然錢塘人或曰鹽官人少為吏好經史工文學後得仙去

登杭州秦望山

太乙初分何處尋空留麻數變人心九天日月移朝夕萬里山川換古今風動水光吞遠嶠雨添嵐氣沒高林秦皇漫作驅山計滄海茫茫轉更深羅隱字昭諫餘杭人吳越給事

秦望山僧院

巉巖危岫倚滄洲聞說秦皇亦此游霸主卷衣纜二世老僧傳錫已千秋陰厓水漱松根直蘇壁苔

定鄉小識卷一

六

侵畫像愁各是病來俱未了莫將煩惱問湯休許承祖

秦望山

羅刹森嚴障碧瀾江流滾滾海漫漫仙山悵望知何處始信乾坤玉宇寬

徐渭字文長號天池山陰人

登秦望山

素情忻晏游碩人事永矢上此萬仞山復沿北溪水顧瞻江海流神去蒼茫裏後峯千里來旁嶂兩川起往昔窗中翠今茲巔上視佳哉是觀游吾鄉

亦信美

秦望山東南下折有峯紫鐵色錯豎似花蕊

土人呼雄鵝突余贈名花蕊峯

錯如鐵色紫出土幾千古寒空蕊尚繁秋水蓮難吐刻削差可擬帶插不添嫵宛如齒齟齬張吻訟所苦千秋獻組繡名號未得主直少讓中岑他山視應父借言花蕊峯來春閒何處

右天池二詩有吾鄉信美之語味詩意當咏會稽之秦望山蓋錢塘秦望山明時已晦也而二詩康熙魏氏志已列入藝文姑附存之又柳亭

定鄉小識卷一

七

詩話云陸放翁有登鵝鼻峯絕頂訪秦刻石詩鵝鼻正在秦望山東南據此正天池所云雄鵝突也天池題畫每署鵝鼻山農以此

羅刹石 北夢瑣言杭州連歲潮頭直打羅刹石吳越錢尚父俾張弓弩候潮至逆而射之由是漸退羅刹石化而為陸地遂列廩庾焉咸淳臨安志秦望山晏公云近東南有羅刹石大石崔巍橫截江濤商船海舶經此多為風浪傾覆因呼為羅刹每歲仲秋既望必迎潮設祭樂工鼓舞其上李建勳詩曰何年遺禹鑿半里大江中白居易詩曰嵌空

石面標羅刹歷捺潮頭敵子胥後改名鎮江石五

代開平中為潮沙漲沒羅隱詩羅刹錢塘縣志錢塘江又名羅刹江因江心有羅刹石風濤至此極

險樵書郎瑛云錢塘江舊有數石橫截江濤舟楫

多為所壞因呼為羅刹石而江亦名之姚靖西湖

志唐時郡守每歲仲秋既望迎潮設祭樂工歌舞

羅刹石五代時已漲沒陶篁村全浙詩話爭為

蕭山地詩話云按輿地志云近秦望山有大石

崔巍橫絕江濤商船經此多為風浪所傾因呼

為羅刹每歲仲秋既望必迎潮設祭樂工歌舞

定鄉小識卷一

八

其上後改為鎮江石五代開平中為潮沙漲沒今不復見考紹郡秦望山在會稽山中錢塘秦望山在縣治南十二里見於臨安志然此石離西興岸只三里許故羅刹潮聲向為蕭山八景之一則石屬蕭山不屬錢塘輿地志所云近秦望者誤矣因有羅刹石故江即名羅刹江今江中或漲沙數里操船者必沿流上下避出此沙纔能轉篙對渡俗名套刹其刹字蓋本此按羅刹列蕭山景中以浙江名羅刹江而蕭山西臨江口也非專指是石者故樵書云羅刹石今不

知所在今蕭邑志列八景中有羅刹潮聲誠通人之論也夫西州羅刹之謔西州正指餘杭若石近西興當歸越韓微之何不自嘲而反嘲白傅陶氏駁晏志豈未見白詩耶況錢王射潮亦以直打是石之故郡守迎祭端爲杭州至於江中沙渚隨處皆有套刹之名總緣江起定鄉江面號刹通者不一烏得據爲典要總之陶氏嫻於吟咏而疎於攷據漁浦之爭要亦猶此然漁浦跨屬三邑尙隸公家若是石究難移也許氏西湖漁唱題注羅刹石按越絕書錢塘浙江有

定鄉小識卷一

九

岑石長丈四尺南北廣六尺漢天漢五年四月岑石不見至七年岑石復見又杭州府志載康熙十九年四月望日岑石復見不審卽是石否錢塘西湖諸志皆不載錄之俟考按岑石乃浮石宋天禧五年亦有此異至康熙年丁文策明云浮石自西逆潮而下非羅刹有祇者比許氏何妄度也又岑石魏氏志載災祥門云失載非白居易字樂天太原人長慶二年七月自中書舍人出守杭州微之重誇州居其落句有西州羅刹之謔因

嘲茲石聊以寄懷

君問西州城下事醉中疊紙爲君書嵌空石面標羅刹壓捺潮頭敵子胥神鬼曾鞭猶不動波濤雖打欲何如誰知太守心相似底滯堅頑兩有餘按微之重夸州宅且暮景色兼酬前篇末句詩落句云爲問西州羅刹岸清波頭突近何如又寄樂天第二首落句云休學州前羅刹石一生身敵海波瀾又去杭州送王師範落句云得得爲題羅刹石古來非獨伍員冤又樂天和微之三月三十日詩有石奇羅刹踞語靈泉一名虎 咸淳臨安志靈泉廣福院有靈泉一泓覆之以亭湖山便覽在六和塔南徐俯蘇詩註言廣福院亦有虎跑泉卽謂此靈泉也

定鄉小識卷一

十

覽志緣是泉名遂以定慧爲廣福翟氏於定慧寺下辨云徐俯注蘇公虎跑泉詩旣引圖經二虎跑地之文又云廣福院有虎跑泉蓋杭有兩處此特旁引以備其說非謂寰中所居爲廣福院也廣福舊名靈泉潛志別載在龍山路徐氏亦明明自言杭有兩處豈得遂緣此混誤爲一沙井 夢梁錄六和塔南沙上曰沙井上以鐵井闌護之湖山便覽沙井在六和塔南上有鐵井闌明一統志云昔有蛟龍自井出攻損江岸錢氏鑄鐵闌鎖之刻八卦其上以象八方南宋以鐵井闌爲

城南廂之南界

靈泉沙井今已無蹟可求以定鄉之界自六和塔西南隸於定北泉井當在界中翟氏月輪山卷中列秦望山前今增後

馬鞍山 咸淳臨安志馬鞍山在兒門武狀元坊步司左軍後形如馬鞍故名夢梁錄諸山巖低處名馬鞍山康熙錢塘縣志馬鞍山郡志在五雲山稍北高五十丈周二里近黃山阪湖山便覽馬鞍山在八角峯東南臨安志云山在步司左軍後形如馬鞍故名步司左軍寨舊在山東面西為小康塢

定鄉小識卷一

七

有澗水自塢注溪澗在軍寨後說於此可攷信也山起二峯今以北峯為馬鞍其南峯別名大彎馬鞍山中為平岡而東西二峯對峙其形酷肖宋趙履常保壽院記云出臨安城而南沿江西行十餘里又支行逗入山崦五里峯巒錯峙前後環立如屏嶂複重保壽院於是在焉院山源發天目龍行騎奔派為五雲又別為保壽之山鞍旋燈迴至是始就坦迤四旁諸山聯絡圍繞如拱如顧如與左右輔翼皆秀媚可愛此保壽山之大略也翟氏據是文次保壽院於馬鞍山

下且云今馬鞍山塢中有卵石砌道寬平處階礎宛然土人相傳為此院基趙云鞍起燈迴者其即指馬鞍山形言歟然則馬鞍山可名保壽山矣又聶氏志云焦山之支東南行為馬鞍山黃山阪魏氏志誤讀是文即云近黃山阪不知黃山阪在橫山路口徑由朱橋轉塘而進與馬鞍相去十餘里烏得以黃山之馬鞍為徐村之馬鞍耶蓋黃山自別有馬鞍近黃山阪也陸彥龍字驥武錢塘人明孝廉陸振奇之孫善詩古文有焚餘集自虎跑歷馬鞍山憇九溪石壁精舍

定鄉小識卷一

三

佳氣盈春山鳴珂轉前綬臨風一排徊縱橫任所思所思在深林佳茗皜於絲沉煙煮名水鑿味別澗溜幽賞動移晷晨光何熹微高興陟層山絕頂窮窺疑猿狖向人笑虎豹為我啼從游懾心目悲風傷春萸策杖獨行邁鳴澗緣遙支列館疏傾厓石壁延高棲披榛覓新術迴步迷故蹊三徑開蔣生庭無求羊綦冥坐悟物化達理不可欺誰能同妙善存情與推移

大灣山一作大彎山俗呼大王山康熙錢塘縣志大灣山郡志在五雲山東五里高一百二十丈周四里湖山便

覽馬鞍山起二峯今以北峯爲馬鞍其南峯別名

大彎縣志云大彎山在五雲山東五里高一百二

十丈而馬鞍山未識臨安志則又無大彎山山既

取象馬鞍宜有二峯蓋馬鞍其總名矣

魏氏志次馬鞍於大灣下翟氏譏其未識不知

何故

小康塢 湖山便覽馬鞍山西爲小康塢有澗水自

塢注溪

雲棲塢 湖山便覽八角峯對岸爲雲棲塢因有路

達雲棲故得名

定鄉小識卷一

三

鷄冠隴 湖山便覽雲棲塢口爲鷄冠隴龍井水注

溪之所

百丈塢 湖山便覽鷄冠隴南半里爲百丈塢臨安

志云慶善院初名百丈山夏英公竦請充功德院

改額舊有迎雲亭正觀亭百丈亭養高堂諸蹟五

燈會元載百丈慶善院僧淨悟語此百丈塢得名

始也

魏氏志於蓮池說法之雲棲塢下云雲棲塢前

爲百丈山蓋誤以溪上之塢與范村之塢同名

而百丈亦移於彼矣

鷄籠山

唐家塢 湖山便覽百丈塢由此南越鷄籠山爲唐

家塢百丈唐家二塢皆洩五雲山水注溪

高麗山 康熙錢塘縣志高麗山郡志在五雲山南

二里高二十五丈周二里湖山便覽唐家塢更南

爲高麗山

排山 咸淳臨安志排山在定山之北鄉夢梁錄范

村北鄉名排山康熙錢塘縣志排山郡志在五雲

山東一里高三十丈周三里

咸淳志疆域門定北鄉有排山里又山川門排

定鄉小識卷一

四

山下云排山嶺在定山南鄉排當作牌嶺似在

金家嶺通白沙塢處辨詳白沙塢卷中山有明

胡端敏公墓

石壁山 湖山便覽九溪之西爲百丈塢相近有石

壁山有石壁寺吳越時建宋大中祥符時賜保勝

院額有僧行靖行紹居之紹於景祐初圓寂築塔

院西契嵩作塔表云石壁寺去杭二十里走龍山

而西宵然入深谷有溪流巖石之美據文甯在百

丈五雲間今山名不著惟 國初陸彥龍有憇九

溪石壁精舍作

石壁山今無其名吳尺鳧南宋稊事詩注云朱存理鐵網珊瑚倪瓚題虞堪八世祖雍公古劍歌序云余訪青城山樵於錢塘之四壁山案此山之名咸清志不載後來作志者均失之豈石壁卽四壁之譌歟然皆不可攷矣

釋契嵩字仲靈居靈隱山永安爾若有鐔津文集二十卷行世

入石壁山

身似浮雲年似流人間擾攘只宜休老來已習青蘿子隱去應追帛道猷直入亂山甯計路定看落葉始知秋他時谷口人相過莫問裁詩謝五侯

定鄉小識卷一

五

徐村嶺 咸清臨安志徐村嶺一名薑擦子嶺在定

山北鄉夢梁錄徐村嶺俗呼薑擦子嶺湖山便覽

嶺下有徐村酒庫及抽解竹木場

薑擦子湖山便覽作江擦子

礪馬嶺 咸清臨安志在錢塘定山北鄉

雷嶺 夢梁錄在錢塘定山北鄉

牛馬頭嶺 夢梁錄在錢塘定山北鄉

此二嶺疑卽咸清志礪馬嶺而析之者也顧礪馬以馬墮言取峻險之義雷嶺不知何義牛馬頭則又以形名也似非一嶺蓋自徐村而上岡

嶺連接要爲九龍頭之有名者耳

九龍頭 在徐范村之間自六和塔至徐村爲嶺者

四徐村至范村爲嶺者五凡九嶺懷古田舍詩集自錢塘江口至梵村凡過九山諺謂九龍頭

九龍皆面江不甚高峻瞰江如削時有崩圯而

齧峙不改諺云十龍九斫頭一龍不斫頭趕到

長河頭卽此舊志所載薑擦子嶺牛馬頭嶺皆

在九龍中嶺下瀕江有沙灘行旅憚於踰嶺徑

行沙石間然江潮怒漲拍岸衝厓必翻九龍頭

焉行者苦之

定鄉小識卷一

六

徐村浦 在徐村受九溪十八澗之水以達於江萬

厓杭州府志云九溪通徐村出大江明一統志云

十八澗東出錢塘江湖山便覽云九溪自煙霞嶺

下楊梅塢發源西南流會青灣宏法豬頭方家佛

石雲棲百丈唐家小康九塢之水以達徐村以其

九水合成故謂之九溪老龍井水自西北注合於

此浦上有橋曰徐村橋

定鄉小識卷一

定鄉小識卷二

錢塘張 道少南

山水記二 五雲山路

五雲山上有天井東有長嶺西有五雲山嶺南面江為菱釵嶺為清風嶺又山西為雲棲塢塢東為壁觀峯下有青龍泉塢北為迴耀峯峯東為寶刀隴西南為黃泥隴為蕭家塢中峯下有聖義泉西岡下有金液泉塢西為梅家塢有關嶺塢口為雲棲塢溪出范村古為范浦今為范村浦西為牛坊嶺

定鄉小識卷二

一

五雲山 咸淳臨安志五雲山在錢塘縣約高一百丈周回一十五里有真際院夢梁錄低處名五雲山萬麻杭州府志在縣治西南二十里高千丈周回十五里山半有伏虎亭梯以石砌以便往來至嶺平岡名月輪江三折當其前萬麻錢塘縣志天門山之支南行者曰五雲山高百丈俯瞰江江三折當其前雲棲紀事五雲山在府治西二十餘里先是山之巔有五色瑞雲盤旋其上因名西湖游覽志五雲山高數百丈周回十五里五峯森列駕軼雲霞盤曲而上凡七十二彎俯視南北兩峯若

雙鉗朋立長江帶繞西湖鑑開檣帆往來若鷗鷺出沒宋時每歲臘前得雪寺僧必捧雪表進城中霰猶未集蓋其地特高寒云湖山便覽五雲山天門山之支也五峯森列林壑蔚起陟江干盤紆而上凡六里七十二彎石磴千有餘級頂有平岡長江三折正當其面相傳舊有五色香雲旋繞山頂故以為名宋故事每歲臘前城中霰猶未集山僧必奉表以早雪進蓋其地特高寒也山腰有二亭最上為真際院東北為白沙塢西北為雲棲塢西湖志纂五雲山在府治西二十里

定鄉小識卷二

二

五雲山在徐村以五峯矗立高逼雲霄故名五雲自蓮池創為五色瑞雲盤繞山頂之說後人從而和之其語荒渺出於附會且雲棲塢亦以塢在五雲西古有棲真院合呼雲棲耳乃云五色雲飛集山西塢中因號雲棲塢亦巨信也山高出羣峯俯視江上山如兒孫羅列山巔竹樹蒼鬱森秀雲表與阿育王山相類山麓直跨范村其徑由徐村三夫人廟西入山進五雲石碑樓大路而上東達九溪西通雲棲宋薛梯颺元錢曲江皆結廬於此山產蘭蕙藟香又聶氏錢

塘縣志於五雲山下云其東北有白沙塢五雲
去白沙塢三十餘里且在西北非東北也翟氏
襲其文而承其譌殊不可解豈山東北別有一

白沙塢耶

田藝衡字子藝錢塘人副使汝成子教授應天博學善屬文世比之成都楊慎

游五雲山記

乙卯秋八月二十四日余寓西井李鄴侯祠與徐
子導鄉約為五雲山之游適余赴酌吳子宗河家
而徐子亦訪盛子汝誠遂寄宿法輪禪寺越日丁
亥將乘輿獨往未及登輿會黃子惟岳吳子子明

定鄉小識卷二

三

來訪間之躍然遂聯輿而出出湧金門而南過靈
芝崇福律寺故址蓋近為防盜所焚也折而西南
由長橋過淨慈禪寺道經大慈月輪秦望諸山直
登五雲山絕頂五雲山去城南二十里許高數百
丈五峯並峙迥出雲霞週迴可十五里逶迤而上
凡七十二彎其半分建二亭以接足力最上為真
際院梁普覺禪師道場俯盼長江曲折東下沙渚
迴伏間風帆煙艇若鷗泛鳧翔出沒無際定山浮
山諸峯羣奔赴壑若渴蚪飲江而龕赭兩山對立
海濤中逆之東南奇覽轉睫可盡院之前有天井

二覆之以亭舊稱大旱不枯僧言甲寅秋亢旱泉
源亦竭取汲山下固甚艱也飯罷舉酒數酌其惜
徐子之不與佳會甫出院百步而徐子肩輿追至
相對撫掌與亦劇矣復入院投齋移時而返坐第

一亭北眺西湖如露半鏡雙峯聳聳足下江湖之
勝此其兼之復登月輪峯入開化寺振衣六和塔
之第七級塔燬已久中存宋理宗真武像康伯可
等策寫佛說四十章李伯時觀音像俱石刻無恙
又入大慈山游定慧禪寺漱於虎跑泉味殊甘冽
顧囊有佳茶惜日暮不暇煮嘗也少憩亭上誦蘇

定鄉小識卷二

四

子瞻詩及宋景濂銘未終篇為僕夫催去過發祥
祠游淨慈禪寺閱五百阿羅漢像閱歷為五山之
冠餘不及徧歷投宿於蔣公廟眾謂斯游也夜雨
新霽秋氣正清盍登賦之册極江山之賞雖日出
而往日入而還所樂既已多矣宜為之記以續游
史余於是乎書之

林景初宋人

同金日新會宿五雲山

山氣清如沐林扉夜不扃月明苔徑白松暗水螢
青幽蕙臨風辨孤泉過石聽何當凌康熙錢塘縣志作臨非

絕頂萬里極滄溟

戴表元

字帥初奉化州人咸淳中官建康教授轉國子主簿德祐之變避兵走鄰郡明年兵定歸里寓居於鄞授徒賣文以活

題五雲山圖

林廬深插紫屏顏一點漁舟帶暝還但得身閒無

俯仰人間處處五雲山

方

回字萬里桐廬人宋隨州教授入元授建德路總管著讀易軒釋疑朱季禠傳諸書

題臧子雲五雲山圖

不濃不淡煙中樹如有如無雨外山尺素展看空

想像何由身著畫圖間

定鄉小識卷上

五

錢惟善

字思復號曲江老人錢塘人著有江月松風集

登五雲山

普覺遺衣久不傳五雲山萬麻康熙兩縣志均作故色尙蒼然

斷厓蘿薜三千丈喬木風霜四百年龍井雨深泉

獨厚兩縣志厚均作響漁村湖上月初圓寶坊金碧紅塵

聚何似茲山更絕緣

馬

臻字志道號虛中大德中嗣天師張與材至燕京行內燕虛中與焉著有霞外集

五雲山寫望

少乏超絕姿瘦鶴存野格乾坤心自放願覺塵土

窄安得千金豪使得窮地脈征途多荆棘此志甯

復得今晨躋山巔納納瞰南陌正東臨大江彷彿

海外國孤帆揚長風靜入秋氣白層巒引列嶂下

有雲霧隔不知誰家樓突兀立遠色禹穴指顧中

歷歷禾黍黑簸揚千古愁人世一過客高歌據苔

石坐見日車仄目極窮冥搜雁沒空碧

呂希周

江口入五雲山

江上秋濤滾滾來羣山東赴海門開松陰百轉紆

黃蓋石磴千盤擁碧臺細草披雲穿徑出淺莎排

浪觸山迴仙壇尺五瞻天漢萬里銀河映斗台

定鄉小識卷上

六

許穀

登五雲山

名山高擁五雲層危磴重重躡屐登西望諸天應

咫尺東來疊嶂總邱陵海門遙指三山樹梵殿常

懸七寶燈便掃蒼苔題短句乾坤高覽記吾曾

沈明臣

字嘉則鄞人在胡少保宗憲幕府受知遇獨深少保死請室明臣走哭墓下持所爲詠徧爲訟冤世高其義

五雲山

偶漾棠岫恍蓬壺直駕長風上帝都石割鴻濛秋

色重路盤霄漢鳥飛無白雲東盡天連海青嶂西

來日滿湖信有胡麻堪飯客荷鋤於此作潛夫許承祖

五雲山

石磴千盤倚碧天五雲輝映五峯顛遙看下界寒光遍白玉花開紀瑞年

天井 在五雲山頂咸清臨安志五雲山嶺上有天

井大旱不竭萬麻杭州府志五雲山有天井二大旱不竭萬麻錢塘縣志五雲山巔有天井

田子藝游五雲山記云真際院之前有天井二覆之以亭舊稱大旱不枯僧言甲寅秋亢旱泉

定鄉小識卷二

七

源亦竭取汲山下固甚艱也據是文則井亦有時而涸矣

長嶺 在五雲山東萬麻杭州府志在五雲山東北

三里通九溪十八澗康熙錢塘縣志五雲山有長嶺長二百丈高十五丈通九溪十八澗湖山便覽

東有長嶺通九溪十八澗

龍井即當嶺下之關嶺西有山徑上五雲山疑即長嶺也

五雲山嶺 夢梁錄五雲山嶺在徐村及雲棲山俱可往來

姜敘嶺 在五雲山南萬麻杭州府志在縣西南二

十里路登五雲山康熙錢塘縣志五雲山有姜敘嶺長一百二十丈高八丈登山者取徑焉

嶺即徐村入山處徑也姜敘之名不可解當為

鋼父之譌又徐村嶺一名江擦子嶺江擦與姜敘音亦相近豈即是嶺耶

清風嶺 在范村江口上有斥埃烽墩下距江塘古

嶺頭清芳亭故名今呼清風亭

雲棲塢 康熙錢塘縣志在五雲山西一里有雲棲

寺釋祿引雲棲寺記五雲山有五色瑞雲已而五

定鄉小識卷二

八

雲飛集山西塢中經久不散時人異之號為雲棲

塢湖山便覽沿塢竹樹茂列幽蘭叢生如是者經

七八里游人品為湖山第一奧區李流芳有雲棲

曉霧畫冊

李流芳 字長蘅嘉定人

無際游句餘將便道參雲棲走筆送之

六和塔前湖水渾西興渡頭山色昏歸來且莫翻

天竺一路沿江到梵村

聞啟祥 字子將錢塘人著自娛齋集

雲棲晚歸原擬取道十八澗以多虎有戒心

不果

禪林歸路晚逐伴且兼程殘雪消猶在寒潮落更
生望煙知郭近畏虎避山行忽忽孤清景還家意

未平

王

微字修微廣陵女子七歲失父流落北里所
與游悉名士已而忽悟道歸神悅徧游江
楚築生壙於武林自號草衣道人卒於華
亭性好名山撰名山記數百卷自序行世

長至入雲棲

晴日寒江路松雲入望深身香燃五分行樹拔千

尋忍土如家舍交光映夙心還疑晏坐處猶發妙

巖音

定鄉小識卷二

九

雲棲六景 湖山便覽青龍泉聖義泉金液泉三

泉與壁觀峯迴耀峯寶刀隴皆僧祿弘所名謂

之雲棲六景

壁觀峯 雲棲紀事在雲棲塢東董其昌雲棲寺記

由東岡而上有壁觀峯

釋祿弘 字蓮池

壁觀峯

九年少室坐岑崑此地何人更效顰拂袖便歸千

嶂外不來從爾問安心

張元抃 字陽和

壁觀峯

觀心廿

康熙錢塘縣志廿作
十今從湖山便覽 載坐蓮臺不覺蒲團

鋪縣志作閉 綠苔獨有孤峯常對面卻疑少室又

飛來

許承祖

壁觀峯

翠嶽孤峯翠作窩蓮臺縹緲俯雲蘿蒲團不覺苔

花秀面壁何人似達摩

青龍泉 雲棲紀事壁觀峯下有青龍泉出焉

釋祿弘

定鄉小識卷二

十

青龍泉

百竿青筧出流泉飛舞東西起復眠過客李氏西
湖志作

玉乳今從
湖山便覽 不知來處遠祇疑香積有龍涎

迴耀峯古名迴 康熙錢塘縣志在雲棲寺後高峻

插天

宋周博士詩云無端忽被閒雲引迴雁峯前掩

竹扉迴耀乃迴雁之譌也是詩後人誤以為余

知閣作然其名已古翟氏以六景皆云蓮池所

名非

釋祿弘

迴耀峯

東方初出漸當陽使得人間萬事忙轉軸西來山

欲暮寶元依舊映窗紗

沈澗字滌洲

迴耀峯

遲遲日影漸西流倒入空巖紫氣浮莫向桑榆愁

景暮輝光長映碧山頭

許承祖

迴耀峯

林巒回合五雲飛息影曾傳掩竹扉滿目靈光何

定鄉小識卷上

十一

處是西來山色映斜暉

寶刀隴 康熙錢塘縣志迴耀峯東岡為寶刀隴

隴形如刀故名蓮池禪師塔院在焉

張元抃

寶刀隴

大冶千年鑄寶刀江干突兀立青霄不須暫試屠

龍技怪鱷狂螭孽自消

黃泥隴 康熙錢塘縣志迴耀峯西南為黃泥隴

蕭家塢 康熙錢塘縣志迴耀峯西南為蕭家塢雲

山窈窕草樹蒙茸真勝地也

聖義泉 雲棲紀事

沈澗

聖義泉

金液青龍夾道中分明別有一泉通涓涓不管流

年渡花自芳菲草自叢

宋守一字化鼎

聖義泉

卓錫甘泉噴雪飛青山薜荔客來稀可憐瑞鶴盤

空谷幾度逢師浣衲衣

金液泉 雲棲紀事西岡之麓復出一泉名曰金液

定鄉小識卷上

十一

董其昌雲棲寺記涓涓甘冽汲灌不竭

陳光贊字方石

金液泉

寶池池底布黃金靈液涓涓出梵林山靜雲開明

月下寒光浮動見天心

梅家塢 在雲棲塢西北上即當嶺達天竺越山而

東即老龍井東為羊棚塢踰塢可達大青嶺

關嶺 在梅家塢

雲棲塢溪 萬厓錢塘縣志溪水經朱橋入於江

雲棲溪水合梅家塢之水以洩於范村之感應